



強積金計劃提高中國 A 股比例影片文本

長度: 4'17"

| 小節標題 | 聲音 | 畫面 |
|------|---|----|
| 引言 | <p>大家好!</p> <p>喺 2020 年 11 月就強積金計劃，積金局已經解除咗對中國 A 股實施百分之十嘅配置比重限制。</p> <p>新規定容許基金經理可透過加入 A 股，涉足更廣泛嘅投資領域，分散投資風險之餘，更有望為強積金計劃成員嘅退休計劃於中長線提供更佳嘅風險調整後回報。</p> <p>今集同大家分享增加中國 A 股投資比重，會為強積金成員帶嚟乜嘢長遠影響。</p> | |
| 影片內容 | <p>首先，透過提升 A 股市場參與度，強積金成員可以進一步參與中國市場嘅經濟增長。</p> <p>我哋預計中央政府最近公布嘅「十四五規劃」，會促使科技創新同埋先進製造業顯著加大研發開支。</p> <p>經濟藍圖將圍繞數碼化、科技本地化及內需三大主題，喺未來五年創造投資機遇，並進一步改善可投資嘅範圍。</p> <p>隨住數碼經濟崛起，新一代數碼化公司嘅增長空間非常龐大，並從根本上改變我哋現今嘅生活。中央政府亦全力推動科技本</p> | |

地化，加強本地發展，盡量降低對進口嘅依賴。

至於內需可細分為消費及投資，例如推出財政扶持政策及社會改革促進收入增長，以及投資於數碼基建。

除此以外，中國承諾喺 2030 年之前二氧化碳排放量將達到頂峰，並在 2060 年之前實現碳中和，促使相關嘅扶持政策及綠色方案帶嚟大量投資機遇。

作為僅次於美國嘅全球第二大股票市場*，中國內地股票市場由多過 4,000 間上市公司組成，總市值超過 12 萬億美元。呢個市場嘅多間上市公司能夠提供其他市場無法提供嘅獨特投資機遇。

目前，上海及深圳嘅 A 股市場涵蓋中國「新經濟」行業，即係醫療保健、消費產品同埋科技業百份之五十至八十嘅公司。

呢啲企業所提供嘅優質產品同埋服務，有望為投資者帶來可觀嘅長線增長。

*資料來源：www.statista.com，2021 年 3 月 9 日。

從資產配置的角度來睇，我哋認為喺投資組合加入 A 股，除咗可以分享中國經濟增長機遇同成果之外，同時仲可以進一步達到分散投資組合風險嘅目標。

根據研究顯示^，中國 A 股同埋已發展市場及新興市場股票嘅相關性較低，咁樣係因為中國 A 股市場嘅境外投資者參與度，仍然較其他國際市場為低。

| | | |
|---------|---|---|
| | <p>^資料來源：MSCI，2021年3月。</p> <p>雖然中國A股市場增長潛力龐大，大家亦要留意呢個市場嘅波幅，即係風險亦相對大。</p> <p>中央政府 嘅政策同規劃上嘅方向都有機會為某啲行業板塊帶來一定嘅影響，因此我哋唔建議投資者將所有雞蛋放喺同一個籃入面，時刻要做好投資組合嘅風險管理。</p> | |
| 總結 | <p>總括嚟講，我哋認為提高A股市場參與度，將可為投資者帶來更全面同埋長遠的增長機遇，並有助分散風險。</p> <p>強積金係一個長線嘅投資計劃，建議成員將每月供款配置喺不同地區及資產類別以維持一個多元分散嘅投資組合，並透過平均成本法，有效咁分散組合風險，達到長遠資產增值嘅目標。</p> | |
| 聯絡方法 | | <p>恒生強積金僱主專線: 22886822</p> <p>恒生強積金服務熱線: 22132213</p> <p>恒生強積金網頁: hangseng.com/empf</p> |
| 風險及免責聲明 | | <p>此短片內容只屬一般參考意見，亦不構成任何招攬或建議任何人以內容取代有關專業意見。你應於作出任何有關本短片內容的決定前，聽取專業人士的分析及建議。</p> <p>本短片的所有知識產權屬恒生銀行有限公司（「本行」）所有及保留。任何人士未經本行書面授權，不得為任何目的而複製、分發、修改、播放、連接或以任何方式傳送有關影片所載之全部或任何部分。</p> <p>投資附帶風險，投資價值可升可跌，甚至變成毫無價值。以上觀點</p> |

| | | |
|--|--|---|
| | | <p>可能會因市場因素或環境受改變而不需另作通知。過往的業績並非未來表現的指標。本短片所載資料並無因應任何個人作出檢核。閣下承認信賴任何以上資料內容之風險由你自行承擔。投資者應就本身的投資經驗、投資目標、財政資源及其他相關條件，小心衡量自己是否適合參與任何投資項目。請細閱閣下有興趣之有關投資產品的銷售文件，以取得更詳盡資料。</p> <p>此短片未經香港證券及期貨事務監察委員會或任何香港的監管機構審批。</p> <p>2021 年 5 月</p> |
|--|--|---|